

唐千金要方

後學三水黃恩榮幹南編述

三男 中醫學專門畢業 弟君校對
學生 廣州中醫藥大學學士 覆校
學館專門畢業 陳景山

解毒第一

解毒第二

解毒第三

解毒第四

胡其漏腋第五

脫肛第六

瘰癧第七

癩病第八

陰瘡 妙精瘡附

解毒第一

論一首 方三十九首

論曰。凡人跋涉山川。不諳水土。人畜飲啖。誤中于毒。素不知方。多遭其斃。豈非枉橫也。然而大聖久設其法。以救養之。正為貪生嗜樂。忽而不學。一朝逢遇。便自甘心。竟不識其所以。今述神農黃帝解毒方法。好事者可少留意焉。

幹南按。巢源人往往因飲食。忽然困悶。少時致甚。或吐逆下利。腹痛不堪。乃至

死者名為飲食中毒。但其病頗內或懸癰內。初如酸棗大。漸漸長大。是中毒也。急治則瘡久不治。毒入腹則死。診其脉浮之。無陽微細而不可知者。中毒也。

方 治諸食中毒。

飲黃龍湯。及犀角汁。無不治也。飲馬尿亦良。

方 治食百物中毒。

掘廁傍地深一尺。以水滿坑中。取廁籌七枚。燒令烟。以投坑中。乃取水汁飲。四五升即愈。急者不可得。但掘地著水。即取飲之。

又方

含貝子一枚。須臾吐食物瘡。

又方

服生韭汁數升。

方 治飲食中毒煩懣。

苦參三兩。以酒三升半。煮取一升。頓服之。取吐愈。

凡可食之物本無毒。或人假以投食裏則有毒。食之者心困悶而吐利。黃龍湯即糞清。及犀角汁。解熱毒。馬尿解蟲毒。廁籌燒灰投坑水。解穢毒。貝子。別錄載結氣散吐結熱毒。生韭汁。吐瘀熱毒。苦參酒。吐濕熱毒。一吐而毒即解。于法尤捷。

方 治食六畜肉中毒

各取六畜乾屎末。水服之佳。若是自死六畜肉毒。水服黃蘗末。方寸匕。須臾復與佳。

又方

燒小豆一升。水服三寸匕。神良。

又方

水服竈底黃土。方寸匕。

方 治食生肉中毒。

掘地深三尺。取下土三升。以水五升。煮土五六沸。取上清飲一升。立愈。

凡可食之肉本無毒。或自死及著疫死。則有毒。食之者。心困悶而吐利。食六畜肉中毒。即取六畜之所遺。治之。即經所謂。良以其屬之義。黃蘗苦寒。泄熱毒。即前苦參用法。小豆甘酸。解濕毒。倘水土不和。誤中惡毒。前論跋涉山川。不諳水土。人畜飲。誤中其毒。竈底黃土。地下上清。各取水。土之精。以療水土之毒。

方 治食猪肉中毒。

燒猪屎末。服方寸匕。犬屎亦佳。

方 治食牛肉中毒。

狼牙灰。水服方寸匕。良。一作猪牙。

又方

温湯服猪脂良。

又方

水煮甘草汁飲之。

方 治食牛馬肉中毒。

飲人乳汁良。

方 治食馬肉血洞下欲死。

蘆根汁。飲以浴即解。

又方

杏仁二十枚 豉二百粒

右二味。㕮咀。蒸之五斗米下。飯熟。搗之。再服令盡。

方 治食狗肉不消。心中堅。或腹脹。口乾大渴。心急發熱。狂言妄語。或洞下。

杏仁一升。合皮研。以沸湯三升。和絞取汁。分三服。狗肉皆完片出。即靜良驗。

猪屎犬屎。解猪肉毒。一畝。以其屬一投。其所忌。犬善食猪骨。狼牙灰苦寒。以毒攻毒。猪脂

甘草甘潤。以甘解毒。馬狗肉性熱而燥。蘆根甘寒清利。杏仁豉甘苦開泄。血洞下欲

死可救。顧或輕用杏仁去皮。或重用杏仁不去皮。以狗肉性尤熱。滯發散。疏降之力。惟皮獨多故也。

方 治食百獸肝中毒。

頓服豬脂一斤佳。亦治陳肉毒。

方 治生食馬肝毒。殺人。

牡鼠屎二七枚。兩頭夫者是。以水研飲之。不瘥更作。

方 治食野菜馬肝肉。諸脯肉毒。

取頭垢如棗核大吞之。起死人。

又方

燒狗屎灰。水和絞取汁飲之。立愈。

又方

燒豬骨末之。水服方寸匕。日三服。

獸肝有毒。馬肝尤甚。豬脂滑潤。利腸胃。通小便。鼠屎通降。入肝。通大便。秘。皆肝之治法。頭垢治別錄

通。不狗屎。以穢滌穢。豬骨灰。以水逐水。骨又屬腎。均取疏利之品。使毒從二便下泄。

而野菜馬肝肉諸脯肉毒亦除。

方 治鬱肉濕脯毒。張文仲云。肉閉在密器中。經宿者。為鬱肉。茅塞漏水。沾脯為漏脯。

燒狗屎末。水服方寸匕。凡生肉熟肉皆不用深藏密蓋。不泄氣皆殺人。又肉汁在器中密蓋。氣不泄者。亦殺人。

方 治漏脯毒。

搗韭汁服之良。大豆汁亦得。

方 治脯在黍米中毒。

麴一兩。以水一升。鹽兩撮。煮服之良。

方 治中射罔脯毒。

烏頭煎汁。名射罔。獵人用塗箭頭。以射麋鹿。去毒不盡。誤食則殺人。

末貝子。水服如豆佳。不瘥又服。食餅臠中毒。亦同用之。

狗屎。前治食馬肝毒有效。蒸發鬱肉。及濕脯毒尤良。韭汁散瘀毒。大豆汁消惡毒。功亦相類。麴鹽下黍毒。貝子吐藥毒。前吐食百物中毒。均取升。降之用。使毒從上下分解。而鬱肉濕脯。及黍米射罔餅臠中毒亦除。

方 人以雉肉作餅臠。因食皆吐下。治之。

服犀角末。方寸匕。得靜甚良。

方 凡食鵝鴨肉成病。胸滿面赤。不下食者。治之。

服秫米泔良。

雉屬離火。煮則冠紅。肉熱可知。犀角解毒。清火確有能力。鵝鴨肉甘冷。與雉相反。病

成胸滿面赤。秫米即黃米。酒方于糯泔甘溫。利大腸。亦使毒有出路。粉調水服之。須臾煩躁吐出。一鴨雞而產。物理相制如此。

方 治食魚中毒。

煮橘皮。停極冷飲之。立驗。肘後方云。治食魚中毒。面腫煩亂者。

方 治食魚中毒。面腫煩亂。及食鱸魚中毒欲死者。

劉蘆根春取汁。多飲良。並治蟹毒。亦可取蘆根草汁飲之愈。

方 治食鱸及生肉。住胸膈中不化吐之不出。便成癥瘕。

厚朴三兩 大黃二兩

右二味。吹咀。以酒二升。煮取一升。盡服立消。人強者加大黃。用酒三升。煮取

二升。再服之。

方 治食魚。鱸不消。

大黃三兩 朴硝二兩

右二味。以酒二升。煮取一升。頓服之。仲景方。有橘皮一兩。肘後方云。治食猪

皮。

又方

春馬鞭草。飲汁一升。即消去也。生薑亦良。肘後方云。亦宜服諸吐藥。

又方

鮫魚皮燒灰水服之。無完皮。壞刀裝取之。一名鮫魚皮。

即沙魚皮。古今錄驗云。治食鱖魚傷毒。

又方

燒魚皮灰。水服方寸匕。

又方

燒魚鱗。水服方寸匕。食諸鮑魚中毒。亦用之。

方

治食蟹中毒。

冬瓜汁服二升。亦可食冬瓜。

魚屬涼血。而尾從火。多食熱中。橘皮下。氣氣下。即火降。妙煮極冷飲。熱因寒用。蘆根止渴。渴止則腫消。寒因熱用。魚鱗不化。急則厚朴黃硝以承氣。緩則馬鞭草以散血。生薑復有通神去惡之功。魚皮魚鱗有同氣相求之助。蟹極動風。風動火躁。冬瓜汁清熱毒。止煩渴。功同蘆根。蘆根前治魚毒。並蟹毒。然則冬瓜亦可治蟹毒。並魚毒矣。

方

治食諸菜中毒。

甘草

貝齒

胡粉

右三種各等分。治下篩。以水和服方寸匕。小兒尿乳汁。共服二升亦好。

方

治食山中樹菌毒。

人尿汁服一升良。

甘草解百毒。有元老之功。貝齒即見子前吐食百物中毒及解中射間肺毒散結。胡粉殺蟲。更合童尿乳汁。鹹降甘潤和濟。以為元老之助力。若山中樹菌毒氣鬱蒸。非取吾身極臭穢之物。不能與之抵敵耳。

論曰甘草解百藥毒。此實如湯沃雪。有同神妙。有人中烏頭巴豆毒。甘草入腹即定。中藜蘆毒。葱湯下咽便愈。中野葛毒。土漿飲訖即止。如此之事。其驗如反掌。要使人皆知之。然人皆不肯學。誠可歎息。方稱大豆汁解百藥毒。余每試之。大懸絕。不及甘草。又能加之為甘豆湯。其驗尤奇。有人服玉壺丸。和劑局方。玉壺丸。治風痰吐逆。天南星。半夏。天麻。頭白麤。不能已。百藥與之不止。藍汁入口即定。如此之事。皆須知之。此則成規。更不須試練也。解毒方中。條例極多。若不指出一二。學者不可卒知。餘方例爾。

百藥毒

甘草

薺芫

大小豆汁

藍汁及實汁根汁

石藥毒

白鴨屎

人參汁

一本作人屎

雄黃毒

防已

礬石毒

大豆汁

白鵝膏

一本作白鵝骨

金銀毒

服水銀數兩即出。

此方真用

鴨血及尿汁。

雞子汁及尿白。燒豬脂和服。水淋雞尿汁。煮葱汁。

鐵粉毒

磁石

防葵毒

葵根汁

桔梗毒

白粥

甘遂毒

大豆汁

芫花毒

防已

防風

甘草

桂汁

大戟毒

菖蒲汁

野葛毒

野葛毒以死口噤者。

取青竹去兩節柱兩脇臍上納冷水注之暖即易之須臾口開開即服藥立活。惟須數易水。

鉤吻毒。

鉤吻又名野葛。

因欲死面青口噤逆冷身痺。

肘後方云。鉤吻菜莢食芹相似。而所生之傍無他草。又莖有毛。誤食

之殺人。

薺薺八兩咬咀以水六升煮取三升冷如人體服五合日三夜二。凡煮薺薺惟令濃佳。

又煮桂汁飲之。

又嗽葱涕葱涕治諸毒。

藜蘆毒

雄黃 煮葱汁 溫湯

烏頭天雄附子毒

大豆汁 遠志 防風 棗肉 飴糖

射罔毒

藍汁 大小豆汁 竹瀝 大麻子汁 六畜血

貝齒屑

蚯蚓屎

藕菱汁

半夏毒

生薑汁及煮乾乾汁。

躑躅毒

梔子汁

茛菪毒

薺花

甘草

犀角

蟹汁

升麻

食茱萸。悶亂如卒中風。或似熱盛狂病。服藥即劇。

飲甘草汁。藍青汁。即愈。

狼毒毒

杏仁

藍汁

白斂

鹽汁

木占斯

巴豆毒

煮黃連汁

大豆汁

生薑汁

附後云
小豆薑

菖蒲汁

煮寒水石汁

蜀椒毒

葵子汁

桂汁

豉汁

人尿

冷水

土漿

蒜

雞毛燒吸烟。及水調服。

杏仁毒

藍子汁

野芋毒

土漿

人糞汁

諸菌毒

掘地作坑以水沃中攪之令濁澄清飲之

雞子毒

醇醋

斑猫元青毒

猪膏

大豆汁

戎鹽

藍汁

鹽湯煮猪膏

巴豆

諸解毒為每門不一中有數味斟酌病情但得其一即是不必悉具

馬刀毒

馬刀似蚌而小形狹而長

清水

解鴆毒及一切毒藥不止煩懣

甘草

蜜各四分

梁米粉一升

右三味以水五升煮甘草取二升去滓歇大熱納粉湯中攪令勻調納白蜜

更煎令熟如薄粥。適寒溫。飲一升佳。

方 解一切毒藥。不問草石。始覺惡。謂煩悶或吐利。即服此。

生麥冬 葱白各八兩 豉二升

右三味。咬咀。以水七升。煮取二升半。分三服。

雞腸草散 解諸毒。

雞腸草三分 薺芫 升麻各四分 芍藥 當歸

甘草各一分 藍子一合 釜土一分

右八味。治下節。水服方寸匕。多飲水為佳。若為蜂蛇等眾毒蟲所螫。以針刺螫上血出。著藥如小豆許于瘡中。令濕癢。為射罔箭所中。削竹如釵股長一尺五寸。以綿纏繞水沾令濕。取藥納瘡。深淺令至底止。有好血出即休。若服藥有毒。水服方寸匕。毒解痛止愈。

解毒藥散

薺芫一分 藍并花二分

右二味。七月七日。取藍陰乾。搗篩。水和服方寸匕。日三。

又方 解一切毒。

母猪尿。水和服之。又水三升三合。和米粉飲之。